





RI UXLANIBEL C'U'X PAN AMERICA

TANAJ 23




Conojel ri vinaki' xe'oc chupan ri Ruk'ataj ri Cristo. Xquijachala' chiquivech ronojel ri c'ó quiq'uin. Romari' tok manek meba'.

4 Nefi 2-3




Ri yukenela' richin ri Ruk'ataj ri Cristo xe- quic'achojirisaj ri yava'i' y ri e socotajinek. Xequic'achojirisaj ri e t'oj y ri e moy. Xequic'asba' ri caminaki'.

4 Nefi 5



Ri Dios xeruturusaj ri vinaki'. Nim ri cuchu- k'a' y janila xesamej. Xquipaba' e q'uuy c'a- c'a' tak tinamit.

4 Nefi 7-10



Ri vinaki' xemevayin y xquibanala' lok'olej ch'oven riq'uin ri Ajaf. Xquimol qui' bina- kel, y xequitakej ri rupixa' ri Ajaf.

4 Nefi 12



Ri vinaki' xec'ule' y xec'oje' q'uuy calc'ual. Xcajo' qui' y man xquic'axij ta qui' chiqui- vech. Janila quiquicoten.

4 Nefi 10, 11, 16




RI MORMON Y RI MORONI

TANAJ 24



Xk'ax q'uiy juna'. Ri vinaki' janíla xequicot y xc'oje' ri uxlanibel c'u'x chiquicojolil. Xqui-jachala' chiquivech ronojel ri c'o quiq'uin.

4 Nefi 2-3



Ri vinaki' e choj. Xequitakej ri rupixa' ri Dios. Xecha'ox utzilej tak vinaki' richin ni- quic'uaj rubey ri Ruk'ataj ri Cristo.

4 Nefi 4-18




C'ari', ri vinaki' janíla xebeyomer. Xquinimi- risaj qui' roma ri quitziak y ri cachoch. C'a- ri', manek chic xquijachala' ka chiquivech ronojel ri c'o quiq'uin.

4 Nefi 23-25



Jujun vinaki' xquimestaj ri rupixa' ri Ajaf. Man xquinimaj ta ri Jesucristo. Xquiben tak k'ataj achi'el ri xquirayij.

4 Nefi 26-29




Ch'aka' vinaki' xquinimaj ri Jesucristo. Xqui- ben jampe' ri yetiquir richin niqubien ri xu- bij can chique. Rije' xquibini'aj Nefi'i'.

4 Nefi 36-37




Ri vinaki' ri man xquinimaj ta ri Jesucristo xquibini'aj Lamani'. Rije' xequetzelaj ri Nefi'. Xe'oc itzel tak vinaki'.

4 Nefi 38-42



C'a c'ari', ri Nefi'i' xe'oc itzel tak vinaki' chuka'. Xa jun ca'i' ox'i' vinek ri c'a xquini-maj na can ri Jesucristo.

4 Nefi 43-45



Ri Amaron, jun choj achin. Rija' xutz'ibaj ri xquic'ulvachij ri ruvinak. Xurayij chi ri itzel tak vinaki' man ta xequil ri xaxilej tak ch'ich'. Romari' xerevaj.

4 Nefi 47-49




Ri Mormon jun ala' 10 rujuna'. Ri Amaron retaman chi rija' jun utzilej ala'. Xubij chire ri Mormon acuchi e c'o vi ri xaxilej tak ch'ich'.

Mormon 1:2-3




Ri Amaron xubij chire ri Mormon chi queberuc'ama' ri xaxilej tak ch'ich' tok xtitz'aket 24 rujuna'. Xubij chire ri Mormon chi titz'iban c'a chiquivech.

Mormon 1:3-4



Ri Mormon xuc'uex el pa Zarajemla roma ri rutata'. E q'uiy vinaki' e c'o chiri'. Ri Nefi'i' y ri Lamani' xquichop rubanic camisanel oyoval.

Mormon 1:6-10




Tok ri Mormon 15 rujuna', ri Jesús xpe ri-q'uin. Ri Mormon xrajo' chi ri vinaki' nitzolin pe quic'u'x y niquinimaj ri Jesucristo.

Mormon 1:15-16



Ri vinaki' man e utz ta. Xquichop chic rubanic ri camisanel oyoval. Ri ruvinak ri Nefi xquic'utuj chire ri Mormon chi xtoc ri uc'uey quibey.

Mormon 1:1-2



Ri vinaki' xquiben camisanel oyoval q'uiy juna'. C'o bey re' c'o uxlanibel c'u'x. C'a c'ari', xquichop chic rubanic oyoval. E q'uiy Nefi'i' xecamisex.

Mormon 2-5




Ri Mormon retaman chi ri Nefi'i' man yetiquir ta niqich'ec ri camisanel oyoval. Rije' e itzel tak vinaki'. Roma c'ari' tok ri Ajaf man xeruto' ta.

Mormon 5:1-2



Ri Mormon xeruq'uen el ri xaxilej tak ch'ich' chupan ri juyu' acuchi xerevaj vi can ri Amaron. Xtz'iban chiquivech ri ch'ich', quichin ri Lamani'.

Mormon 2:17; 7:1



Ri Mormon xutz'ibaj chi ri Dios yerajo' ri Lamani'. Ri Mormon yalan xbison roma ri quetzelal. Xrajo' chi xtiquinimaj ta ri Dios chiquivech apon.


Mormon 7:2-18



Ri Mormon xrijix. Xerevaj q'uiy xaxilej tak ch'ich' chupan jun juyu' rubini'an Cumora. Xeruya' ch'aka' chic xaxilej tak ch'ich' chire ri ruc'ajol rubini'an Moroni. Mormon 6:6



Xuben jun nimalej camisanel oyoval. Xaxe ri Moroni man xcamisex ta. Ri Mormon y co-nojel ri ch'aka' chic Nefi'i' xecamisex. Mormon 8:2-3




Ri Moroni ruyon oc c'o. C'o chi xrevaj ri'. Vi man ta queri', xcamisex ta. Xutz'ibaj chiquivech ri xaxilej tak ch'ich' ri xquic'ulvachij ri ruvinak. Mormon 8:3



Xutz'ibaj ri xuc'ut ri Jesús chiquivech. Xubij achique ri rubanic ri Lok'olej Va'in, y ri rubanic ri kasanic chuxe' ya' y ri sipanic richin ri Uxlabixel. Moroni 2-6



Ri Moroni xuq'uis rutz'ibaxic quivech ri xaxilej tak k'ana ch'ich'. C'ari', xerevaj pa jun juyu' chupan jun caja ri banon riq'uin abej. Mormon 8:4, José Smith 2:52



Ri xaxilej tak k'ana ch'ich' xbe'evatej can chiri' q'uiy juna'. C'a c'ari', ri Moroni xtubij chire ri José Smith acuchi e c'o vi. José Smith 2:34



RI SUJUNIC RICHIN RI VUJ RICHIN RI MORMON


TANAJ 25




Xk'ax q'uiy juna'. Ri José Smith xch'o ak'anij riq'uin ri Dios. Ri takonaxel rubini'an Moroni xpe chubixic chire acuchi xqueril vi ri xaxilej tak ch'ich'. José Smith 2:29-34



Ri Moroni xpe riq'uin ri José. Xubij ri achique nrajo' ri Dios chi nuben. Tok e k'axinek chic 4 juna', xeya'ox ri xaxilej tak ch'ich' chire. José Smith 2:53-54, 59




Xetz'ibex can ri xaxilej tak ch'ich' pa jun ch'abel ri man nikac'axaj ta. Ri José xuk'axaj ri ch'abel ri' chupan ri ch'abel ri nik'ax chikavech. José Smith 2:62, 67



Jun takonaxel xuc'ut ri xaxilej tak ch'ich' chiquivech 3 achi'a' ri xquito' ri José Smith. Rije' xquitz'ibaj ri xquitz'et chiquivech ri ch'ich'. Ri Quijiquibanic ri Oxi' Jiquibanela'



Ri José Smith xuc'ut ri xaxilej tak k'ana ch'ich' chiquivech 8 achi'a'. Xequitz'et y xequichapala' riq'uin ri quik'a'. Ri Quijiquibanic ri Vaxxaki' Jiquibanela'




Ri achi'a' ri' xquik'alajirisaj pe ri xquitz'et.
Xcajo' chi ri vinaki' niquinabej chi can c'o
vi ri xaxilej tak ch'ich'.


Ri Quijiquibanic ri Jiquibanela'



Chupan ri Vuj richin ri Mormon, ri Moroni
xutz'ibaj jun sujunic chique ri Lamani' y
chique checonojel ri yesiq'uin richin re vuj
re'.
Moroni 10:1, 4



Ri Moroni xubij chi tikasiq'uij c'a ri Vuj ri-
chin ri Mormon. Xubij chi xkojruto' richin
noka' chikac'u'x achique modo ri Dios ye-
rurusaj ri ralc'ual.
Moroni 10:3



Ri Moroni xubij chike chi kojch'o c'a ak'a-
nij riq'uin ri Dios. Xubij chi nic'atzin chi ni-
kac'utuj vi ri Vuj richin ri Mormon can kitzij
vi.
Moroni 10:4-5



Xubij chike chi vi cukul kac'u'x, ri Uxlabixel
xtubij c'a chike chi ri Vuj richin ri Mormon
can kitzij vi.

Moroni 10:4